





C A R M E N

V O T I V V M,

IN SOLENNI GRATIARVM ACTIONE,
DEO Ter Optimo Maximo, 3044

Ob Sacros nuper honores,
Missæ, Officij, & Festi sub ritu duplici,
per totum Regnum Poloniæ celebrandi,

EXIMIO SERVODI

B. I O A N N I

C A N T I O,

Regni Poloniæ, & Vniuers: Crac: Patro. o,

A

SANCTISS: DOMINO NOSTRO,

INNOCENTIO XI.

PONTIFICE MAXIMO,

Ad intercessionem Serenissimi, & Inuictissimi Principis,

JOANNIS III,

POLONIÆ REGIS

C O N C E S S O S,

A Generali Studio Vniuersitatis Crac: in Ecclesia Collegiata

Dna ANNÆ

I N S T I T V T A,

Per

M. STANISLAVM IOSEPHVM BIEZANOWSKI Leopold: in eadem Alma Vniuersitate:
Philosoph: Doct: Collegam Minorem, Ordinarium Pœscos Professore,
denotæ lætitiæ applausu luci publicæ

C O N S E C R A T V M.

Anno Salutis 1680. die 14. Mensis Nouembris.

CRACOVIAE, TYPIS VNIVERSITATIS.



CARMEN

VOTIVVM.



Xpectata dies, solennibus orta triumphis,
Venit ab arcana serie, rerumq; profundo,
Iudicijs Diuina suis, quod clausit abyssus.

Diffluimus, rapimurq; animo, cordisq; medulla

Non capit hoc breuiore sinu; quod nectaris ingens
Copia, totq; annis vrget congesta voluptas.

Nempè simul veniunt, gemini compendia scèli,
Ad plausus dedueta nouos; vnoq; triumphant
Tot gemitus, tot vota die. stupet ipsa seipsam
Tot simul augmentis, & tantâ mole bonorum
Dulcè grauata dies. o flos, & gemma dierum!

In tua diffusi solatia, mille coronis,

Milleq; purpureis te cingimus vndiq; nimbis;

Totaq; gemmarum Te grando, totus ab Indis
Aurifluo torrente latex, & fluctus inundat.

Eloquar, an fileam? nam vocem gaudia tollunt,

Cor cytharam, linguamq; rapit. sed rumpere fas sit,
Lætitiæ dulces aditus, & dicere Io.

Io tryumphe! Deus nobis hæc gaudia fecit;

CANTIVS vt sacris qui nuper honoribus auctus,

Dona triumphalis retulit solennia festi,

Sarmatico tandem celebratus in orbe triumphet.

Hoc agimus, cadimusq; tui Rex Maxime Regum,

Ante Aras Templi, Maiestatisq; tremendo

Affusi solio, quot viscera, quotq; medullas.

Pectoris, & caræ trahimus spiracula vitæ;

BIBLIOTHECA
VNI. MAGELL.
ORACOVENSIS

588394

In de-

In deuota Tibi suspiria, lætaq; cordis
Barbita, festiuosq; sacre testudinis hymnos,
Supplicibus votis, & totâ mente dicamus.
Tu bonitas immensa Deus, Tu dulcis abyssus,
Rerum summus apex, & non effabile Numen,
Tu merus, atq; stupendus amor, mirabile dextrâ
Hoc opus, vt fecisse Tuâ, nutuq; probares
Æterno; seruata diu, nunc tempora nobis,
Ordine, quem capiat sapientia nulla, dedisti.
CANTIVS ille Tuus, niuei purissima cordis
Lilia, purus olor, vitæ florentibus annis,
Qui Tibi seruauit, canæ niuibusq; senectæ;
Innocui nunc est seruatus nominis à Te
Pontifici Summo; quo se nunc maximus Orbis
Christiadum tollit; pietas quo Præsule sacrum
Illibata caput, cælorum nubibus infert.
Hæc manus illa fuit, rebus dignissima tantis;
Quâ Tibi, Summe Deus, decreti nuper honoris
Imposuisse stolam placuit, candoris eburni
Palladis electo, Lechica de stirpe Patrono;
Cum petit augustis precibus, zeloq; calenti
Magnus Hyperborei populi, sceptriq; Monarcha,
Gratia pro Divo suspirans ipsa IOANNE,
Rex Patriæ inuictum columnen, Scutuq; IOANNES.
Gratia delegit, sic grati Principis omen,
Sanguine qui patrio lectus, de sanguine nostro
Promeruit Diuos. Sic Purpura Sacra VIDONI
Principis, hoc vrgebat opus, quod in Arctica quondâ
Regna superueniens, Romanæ Sedis ab axe
Legatus, seuasq; vices, Martemq; cruentum
Viderat heu! animo multum super illa dolente,
Quæ tulerat belli facies; solatia tandem
Nunc recipit, gaudetq; Virum de gente Polona,
Ferre triumphalem Diuorum more coronam.
Nec RADI VILLANÆ poterat felicius vnquam
Euenisse decus Mitræ, rebusq; secundis;
Quam cordi Patriæ, folio, Regniq; coronæ,

Inseruisse nouam Diuino munere gemmam.
 Hæc tua sunt, o Alme DEVS! quæ ponimus inter
 Cœlestes operum titulos, & prospera rerum;
 Pro quibus in sacris opobalsama fundimus Aris;
 Lampade corda simul flammanti, thusq; Sabæum
 Vrentes; vt grata tibi sit victima nostra,
 Floreq; Virgineo gratus qui pascitur Agnus;
 Liligeris manibus, quem Præsul OBORSCIVS, offert,
 Continuans, quod cœpit opus. lætissimus ipse,
 Propitius votis quod iam respondeat æther;
 Sudatosq; diu quod iam properare labores,
 Ad metam videat cælo plaudente beatam.
 Ergò agite o animi! totis præcordia fibris
 Pandite; dilatate sinus. vox publica cœlos
 Intrret, & Angelicis resonet permista choreis.
 CANTIVS ad numeros veniat, totumq; fatiget
 Mentis ebur, festiua tenens cum nectare plectra;
 Quod iam per populos, trabeæ per Regna Polonæ
 Divus eat, ritusq; sacros, & festa beatis
 Plausibus insignita ferat. quod Filia Rægum
 Diua IAGELLONVM Pallas, Materq; togati
 Doctorum Populi, tanta cum prole triumphet.
 Ante Tuos Cineres, & sacri busta sepulchri,
 Acclines sed cum prosternimur, atq; repansas
 Tollimus in cœlum dextras, Pater Optime CANTI!
 Quicquid habent hilares animæ dulcoris ab ipso
 Fonte DEO, quicquid suauissima gaudia possunt;
 Principio Tu redde suo, totumq; refunde
 Rursus in immensam Summæ Deitatis abyssum.
 Sedis Apostolicæ, per Te suprema potestas,
 Principis, & Regni vitrix fortuna, salusq;
 Pallas, & Vrbs Craci, Regalibus inelyta sceptris
 Floreat æternum. Lechico sic CANTIVS Orbi,
 Cantio dulcis eris, victoria, vita, triumphus.

BIBLIOTHECA
 VNIV. IAGELL.
 CRACOVENSIS



